

獨學廬四稿

獨學廬四稿目錄

卷一

池上集一

習靜圖

秋夜讀書圖爲丁蓴江題

寒石和尚圓寂於吾與庵詩以輓之

卷勺園圖

張耆山主薄乞假寧親賦詩留別和以

餞之

觀妙齋靈芝圖爲穹隆道士琴軒題

城南開元寺藏經埽閣

畫梅卷爲復翁作

丙子生朝作

夜夢澄谷上人以畫幅索題展之畫秋

葵二枝爲題一絕句醒乃筆之

尤春樊舍人招作東坡生日卽事成詠

趙北嵐遺像

名增山東萊陽人

秋林讀書圖爲徐櫨芸題

池上

鰲鶴

蟹蝶

贈李小雲刺史

題瞿菊亭明府家藏范忠貞公畫壁詩

草

呂湘漁山居課子圖

潘息緣舍人兩子同入膠庠賦詩紀事

次韻賀之

自題十真

過王椒畦息齋壁間有福兒詩俯同其

韻

題畫

丁丑元日

和吳巢松編修題閒雲出岫圖詩卽奉

餞北行仍邀黃紹武表弟同作

元夕風雪對酒有作疊歲朝詩韻

復翁以元夕詩見示依格和之

吳孝女詩

黃紹武表弟得曾孫詩以賀之

菊亭譜曲圖爲瞿明府題

題宋味崧閉戶讀書圖

李嵩山運使臺灣運穀圖

題顧亭林先生遺像卷

和荅朱少仙廣文

爲周九廉訪題春帆圖

自題杖鄉圖

題黃蕘園祭書圖

張雲藻司馬作餐菊之讌卽席分韻得

落字

過王氏廢園

蓮榭圖爲芳生題

穹窿道士李補樵六十壽言

心誠上人以石刻蓮池大師詩墨本見
惠卽次原韻

楊貞女詩

蘇公生日集九春樊舍人齋中

吳巢松編修屬題閒雲出岫圖

蘇公生辰春樊舍人旣集同人賦詩令

子榕疇用蘇集禁體雪詩韻賦七言

古詩一篇走筆和之

丁丑除夕口占

爲張少農題訪古圖

讀史有感

游陸氏園和陳琳簫女史詩韻四首

春日遣懷

歲云暮矣瓶菊猶存盆梅亦放戲題兩

絕句以志其事

訪吳玉松太守新居

枕上口占

池上集二

戊寅七月送書院諸生秋試

題松江太守宋如林舍館弄孫圖

顧節母詩

瓶中花

劉金門以編修奉

召入都寄詩送

之

自題小影

德清縣齋示福兒

九日登高同蓮孫韻

題柳州太守徐寅哉遺像

庭前種菊有一本而百二十花者移陳

坐右錫之以詩

池上偶成四絕句

題韓尚書壽山丙舍圖

題梅妃像

壽榕皋潘一丈

送韓桂舫尚書入都

韓尚書攜示蔣香杜都門見懷詩依韻

成篇卻寄

己卯元旦

沈桐威燈謎遺草

德清春日作

舟行書所見

偶成

卽事

詠綫穿牡丹

尋梅招鶴圖爲雪齋和尚題

夏五過虎邱山塘吳玉松同年歸途入

報恩寺訪雪齋上人

寄謝都門故人

讀王楊甫遺集書後

周笠梅花美人圖

長江萬里圖爲穹窿道士李補樵作

海鹽朱虹舫庶子以檇李十枚見餉詩
以謝之

尤西堂有家在江南楊柳村之句梅耦
長爲之圖一時和者十二人偶書成
長卷追和二絕於尾并邀春樊舍人
同作

題餅菊圖寄王梅鄰明府

秋夜獨坐花間草堂

園菊初開

芙蓉

對月口號

習靜

種菊圖

送董琴涵編修入都

雪中送炭圖

觀放紙鳶

歲暮書懷

和歸佩珊女史歲暮襍詠八絕句

臘八粥

春餅

年饅

歡喜團

祀竈

掃室

爆竹

跳竈王

尤春樊舍人作東坡生日之會賦呈四

絕句

庚辰元旦

寄吾與庵主心誠上人

黃復翁見示與潘榕皋舍人暨歸珮珊
女史疊韻唱酬之作見獵心喜戲和
其韻

聞復翁入山探梅再疊前韻奉簡

珮珊見和東坡生日之作三疊前韻奉

酬

春游四疊前韻

飲周春帆廉使齋中五疊前韻

奉簡三松老人六疊前韻

珮珊和前詩見投多獎飾之語依韻報
之七疊八疊前韻

珮珊之壻李生學璜與婦各以詩篇見
贈再荅計十二疊前韻

再和珮珊十四疊前韻

和尤春樊舍人詠雪之作十五疊前韻
寄題移石山居卽爲師竹道人壽十六
疊前韻

乘舟出閭門十七疊前韻

題李小雲刺史粵東詩草十八疊前韻

題周勛齋司馬樸園集十九疊前韻

喜沈星槎學博歸自揚州二十疊前韻

崑山過王椒畦山居二十一疊前韻

半繭園題壁二十二疊前韻

斗壇訪卻凡上人二十三疊前韻

題寄上人松下閉關圖二十四疊前韻

和荅三松老人二十六疊前韻

暮春邀潘理齋員外亢春樊舍人同餞

朱虹舫庶子入都春樊卽席成詩因

和其韻

天風海濤圖爲朱南臺司馬題

池上集三

奉和三松老人自焦山放船登北固山

用東坡焦山詩題

曝衣有感

中秋夜對月作

詠瓶中桂

爲錢梅溪題寫經樓圖卷

九日漫成

題吳小亭雪夜校書圖冊

題故兗州太守魏朮樵同年采朮圖

和歸珮珊女史九日之作與三松老人

同賦

題沈西雛大尹載酒訪詩圖卷

有懷秦易堂先生

山居十詠寄題吾與庵

披雲草堂

雲外室

見山閣

倚杖處

梅林

竹院

牆邊獨樹

柳下清池

觀稼橋

蒙養井

爲黃紹武題月明秋思圖卷

詠晚香玉

和潘榕臯幽栖二律

和黃復翁悶坐二律疊前韻

偶成

題金陵捧花樓圖

瑤臺清影圖爲車秋舲題

題魚幼微詩集後

冬日書懷

看奕寮題壁

和復翁除夕之作

辛巳元旦作是歲爲道光元年

題偃松畫幃

池上柳

精忠柏圖卷爲范葦舲司獄賦

杭州按察使司監卽南宋舊獄也獄
中有古柏相傳岳忠武被害時此柏
遂枯今垂七百年其榦如鐵不朽范
君正庸權司獄繪爲圖因賦五言一
章

詠鮫元寶戲同蒔堂作

余偶得佛手柑十枚致之復翁復翁又
致之三松老人復翁繪爲傳柑圖因

繫一詩

和復翁述夢之作疊韻三絕句

題宋悅研少宰潞河送別圖冊

和周勗齋員外賞菊之作

題徐香巖歸田行樂圖

題陳百泉太守試硯圖卷

除夕喜雪

壬午新正邀潘芝軒吳棟華吳藹人三

狀元荒齋小集卽事成篇

又和芝軒尚書韻

余秋室潘榕舉兩先生今歲皆重赴鹿
鳴佳宴詩以志賀

約玉松同年小集先期詩至卽次元韻
黃復翁新刻珞琤子三命消息賦成作
詩見示戲成長句簡之

復翁以菜心見餉賦詩奉謝

西泠春泛圖爲復翁題

道光壬午重過吾與菴訪心誠上人和
三松老人題山閣看雲圖詩韻

沈生寶禾以蓴菜見餉戲成二絕句

客有以鸚鵡見餉者感而賦此

自題花間樂府

伏生授經

羅敷採桑

桃葉渡江

桃源漁父

梅妃作賦

樂天開閣

賈島祭詩

琴操參禪

對山救友

和荅吳兼山通守

福兒俸滿入覲道出吳門詩以送之

壬午除夕示兒孫

癸未元夕疊前韻

九春樊黃堯圃彭雅泉三子相招結問

梅詩社初集春樊齋中卽和其韻

詠積善西院玉蘭疊前韻

春分日對雪

二十六日黃復翁在白蓮涇積善菴舉

問梅詩社

四月初八日與彭雅泉尤春樊黃復翁
有入山訪僧之約至期雨甚不果行
遂小集花間草堂以賞雨茆屋四字
分韻得屋字成五言十二韻

送陸壻入蜀

春日園林

彭雅泉太守邀集敏訥堂卽和其韻

黃復翁家藏船山太守寒山獨樹圖偶

題一絕句

題魏春松侍御讀書人家畫卷

秋日書懷

紅夢

秋社日集九春樊舍人齋中賞桂與彭

雅泉黃堯圃同作卽訂後會

寒雨

秋懷詩和復翁

和復翁柳下花間之作

池上集四

春日 and 沈生寶禾詩韻

和荅尤生崧鎮疊前韻并簡春樊舍人
春樊舍人見和前詩疊韻奉酬

和春樊舍人亦園感舊之作四疊前韻
園爲西堂先生故居

復翁知子有五柳園春日詩和章見贈
因疊韻奉酬

無隱菴和顧弢菴詩韻

匣劍和尤春樊舍人

孤山謁林和靖祠堂

湯文正從祀 文廟賦詩紀事

九日招復翁春樊葦間集五柳園

是日復翁登予家凌波閣和前詩見贈
疊韻荅之

吳玉松同年邀至虎邱賞菊

春樊蕙圃葦間共集吳玉松太守知魚
樂軒予因事未赴而分韻徵詩賦五
言一章

靜怡室小集和葦間韻

和王箕山廉訪紫陽書院卽景示諸生
詩韻

簣山廉訪再疊書院卽景之作見示和
答

簣山廉訪瘞鶴焦山之麓賦詩述事奉
和二律

題蕭曼叔海墨樓圖

和沈生寶禾除夕送窮之作

和甫元旦和子婦慧文詩韻

西山掃墓路過畢尚書墳有感而作

黃孝子向堅劔川山水畫軸

送十一兒入山志感

舟行書所見

與趙巽夫同過鶯脰湖作卽和趙韻

三月旣盡園中牡丹盛開集同社諸友

小飲花間草堂卽席成詠

游吳氏園

送春和十兒韻

和王簣山廉訪登周蓼洲先生讀書樓

之作

樓在小雲
栖僧舍

立夏日集葦間太守齋中餞春

擷芳亭看娑羅花和榕皋丈韻

夏至後三日集同社諸子於五柳園卽

事成篇

和荅張襄女士卽題錦槎軒詩稿

題席挹峯竹中人畫卷

滄浪亭圖爲梁蔭林觀察作

夜至理安寺投宿

自理安寺出山渡江

游蘭亭

芥舟小集和復翁作

乙酉元旦疊前韻

奉送王善舟明府之泰州新任卽和留

別詩韻

彭葦間太守邀泛石湖卽事成詩

雪霽書懷

春寒卽事

邀春樊堯圃葦間三子同賞牡丹作

同學諸子攜尊過賞牡丹卽事成篇

題艾香吳孝廉遺照

秋庭樂意圖爲凌芝巖題

海剛峯書冊爲徐師竹題

初夏張蔣塘明府招集分韻得天字

新得竹垞先生曝書亭遺硯賦二絕句
觀黃忠端公手書孝經

六月十二日復翁招集同人爲山谷先生壽走筆述事

吳江吳秀才以令祖古漁先生梅屋課
孫圖遺像索題感舊懷賢率成長句
詠園中三醉芙蓉

小園卽事

八月潮白彭詠莪孝廉邀至石湖舉行

詩社卽事成篇

和荅姚春木卽題其南埭草堂詩集後
題澹雲和尚八十歲像

徐孝子廬墓圖

題文衡山玉蘭畫軸

題惲南田風竹畫軸

憶昔

管生蘭滋以其舅船山太守畫梅屬題
漫成一絕句

七十自壽

九日草堂疊菊成山邀同人作東籬之
會分韻得傑字

天平山觀紅葉作

望雪

春朝集彭詠莪孝廉齋中詠迎春花
薤香曲

獨學廬四稿

池上集一 古今體詩八十九首

東吳石韞玉著

習靜圖

世間羣動聚誰能脫其網胸中一顆珠淵然自
明朗十習紛漸摩方寸失所養至人心有主情
盡見純想良田去非種靈苗遂滋長穩坐在蒲
團端居絕塵鞅不依蒲褐禪不受風輪盪一心
無所住天地日蕭爽

秋夜讀書圖為丁萼江題

空山無人秋氣清
草廬有士歌商聲
父有遺書子能讀
讀到蓼莪無限情
窓外三竿兩竿竹
琅玕相對人如玉
坐擁書城過一生
當世侯王無此福

寒石和尚圓寂於吾與菴詩以輓之

世界一微塵
人生一浮漚
聚散各隨緣
時至不可留
大師天台雋
非與凡俗侔
幼齡心慕道
棄家作比丘
聲聞生妙悟
禪定習薰修
六種波羅密
苦行不少休
機緣在吳下
飛錫止蘇州
維時彭居士
尺木養志守
林樾逢師渡
江來邂逅機

即投同歸法王法結成方外游天寧開法席德
行速置郵化雨徧十方清風動四流素心樂岑
寂卜築水雲頭近依支公躅兼愛林泉幽祖庭
在理安歲久無人鳩緇素競奔走請師蚤綢繆
師往樹法幢坐閱五春秋迷津資寶筏法鼓震
玉枹功成身又退言歸舊林陬我生識公晚鍼
芥交相求論心印正覺道同不待謀常尋花之
路或汎雪夜舟信宿草堂下雄談闊謔詢會心
及露柱索解因風甌伊古選佛場動輒興戈矛
傳衣命如絲曾為能者憂惟師性樂易與衆百

無尤心不愛榮貴避之若避仇兩主名山席逝
比鷹脫韝嗟彼士大夫鳴珂擁八駟貪位戀華
膺羣蛾撲膏油似師能退藏當世亦罕儔今春
微示疾勿藥時亦瘳自知形骸散何苦強拘囚
世外光音大塵中歲月道飄然登覺路法在菜
與鷺

琴勺園面

一琴一勺無此子五嶽十洲從此始納得須彌
芥子中世間一切都如此閑情付與七絃琴寫
出羲皇以上心老夫無緣入此室窓間讀畫當

幽尋

張耆山主簿乞假寧親賦詩畱別和以餞之

昨因驥子附同舟湖上相逢似舊游九載盍簪
驚遠別一江歸棹趁清秋蘭能潔養應忘老竹
到孫生易引愁仲雪伯霜零落盡早營華黍繼
崇邱

觀妙齋靈芝圖為穹窿道士琴軒題

觀妙齋前列萬松畊烟仙子善呼龍不須遐訪
金光草室有靈芝暈九重

曾向芝房手勒銘

芝生於觀妙齋左
廟余顏之曰芝房

故將元妙

證丹經山中更有長生藥試到松根索伏靈

城南開元寺藏經埵閣

巋然傑閣鎮空門名與靈光一例尊材似棟梁
皆可廢道因瓦甍竟長存八窓洞達分天界萬
卷縱橫貯佛言風火有灾都不到此中真可見
禪源

畫梅卷為復翁作

昔人夜泛剡溪曲不見戴公意已足好花如友
在神交執手殷勤轉近俗復翁探梅不見梅歸

屬畫師寫成幅幅中著墨初不多疎影橫斜早
滿目此花天性愛幽獨如人世外享清福花開
花落幾須臾畫裏瓊姿永不枯

丙子生朝作

身歷春秋六十周心如槁木更何求榮公老至
知三樂平子歸來釋四愁靜坐卷簾看落葉醉
吟隱几對眠鷗獨畱一事夸鄉里曾向蓬山兩
度游

夜夢澄谷上人以畫幅索題展之畫秋葵
二枝為題一絕句醒乃筆之

芳風扇小草艷色在深林移植南榮下常懷向日心

尤春樊舍人招作東坡生日即事成詠

一鶴南飛曲久傳鬚眉奕奕對賓筵文章獨造
華嚴海生命偏逢磨蝎年北斗降神終古在東
風入律得春先是日立春從來俎豆賢人事携手同
登大願船

趙北嵐遺像名增山東萊陽人

巖巖泰山神州東海上日出扶桑紅山川靈氣
鍾在物其人磊落多英風趙侯與我年家誼平

生肝胆結意氣臨民慈惠信與人讀書稽古乃
餘事餘事亦與凡俗殊心愛故紙如璠璣漢碑
百統著在錄可補歐陽趙氏之所無輯成隸辨
書五卷似握金篦刮盲眼蒐羅漢印滿筐篋一
一能指其來歷精心嗜學若我侯此事已足傳
千秋何況循良有惠政古云積善必餘慶千里
之輪中道摧有志無年亦其命於戲有志無年
亦其命

秋林讀書圖為徐樹芸題

幼與生性愛邱壑靜聽秋聲滿林薄清光一片

大地來此中惟有讀書樂學海無邊好問津瑯
環福地隔凡塵不須開徑迎三益獨抱遙情對
古人

池上

故土謀安宅先人有敝廬城西山隱約池北樹
扶疎梁又巢新燕楹仍納舊書比隣垂白叟曾
識我生初

方丈維摩室齋居證我聞智燈消俗障慧劍辟
魔軍早悟三乘義魚傳十賚文靜觀仙佛語精
理貫邱墳

養鶴

萬物飛潛無定姿當筵變化等兒嬉
回思卧轍心常悸修到乘軒骨更奇
刀俎摧殘終自惜羽毛豐滿亦奚為
一朝撇却江湖樂坐聽華亭夜唳時

蟹蝶

花間遊戲過三春秋水蕙葳寄此身
固叟夢回空栩栩門生議定亦津津
草泥郭索思前度繡幃消搖屬後塵
欲補滕王舊圖譜雙螯持對菊
花新

贈李小雲刺史

一別三十載相逢皆白頭五羊畱善政一鶴伴
清遊衣想靈山襖帆從宦海收心知行不得妙
語託鈞翰

刺史畫小像作僧伽相
又編近詩曰鈞翰集

題瞿菊亭明府家藏范忠貞公畫壁詩草
古人事君貴致身何況身作封疆臣此詩已載
說鈴部誰料手迹今如新男兒志在雲臺上生
不逢時亦淪喪請看一曲鶴歸來故家別有忠
臣樣

呂湘漁山居課子圖

幽人厭塵網嘉遯在山林幸有讀書子常懷式
穀心一生甘櫝玉萬卷勝籙金稽古逸民傳所
師惟向禽

潘息緣舍人兩子同入膠庠賦詩紀事次
韻賀之

泮林嘉樹繞春旗雙鳳齊騫又一時記得于公

寬治獄應畱餘慶到孫枝

尊甫畏堂先生
嘗為秋官大夫

縱橫筆陣辟千人江管生花自吐芬滿目粃糠
今漸埽天孫新織錦裳雲

書中三昧雜甘辛此事殊難索解人老我寡聞

成獨學不堪重效後生輝

元愷升庸摠近天榮觀燕震自超然祖孫父子
兼兄弟科第蟬聯望後先

自題十真

我父終年常作客江海周遊無煖席不積黃金
積典墳兒讀父書多異聞教兒讀書兼讀律謂
是他年致君術蕭蕭喬木多悲風安得趨庭如
畫中

熒熒一燈明白屋慈母燈前教兒讀兒書不熟
母不眠書聲刀尺聲相聯雪花如掌窓外舞為

先作襦兼作袴一十九年母棄兒兒大受祿母不知

我家一門善琴學武陵大姊亦能作當年授我
湘妃吟一句一抹清人心既婚既宦苦行役米
絲觸手生荆棘世無鍾生在眼前我息流波已
十年

丈夫學書又學劍袖裏芙蓉夜光艷學書不成
猶自可劍術一踈將殺我英雄藏器當待時干
將補履世笑之萬人之敵如一呖當時空聽莊
生說

士不遇時常翫麟十年落拓江湖上江湖落拓
非好遊飢來驅人不自由桑弧蓬矢丈夫事男
兒生有四方志黃流浩蕩岱岳高壯遊敢道勞
人勞

太和殿前靜鞭鳴勾臚初唱臣姓名滿朝公卿
皆不識

天子知臣擢第一

御酒三盃湛露濃

宮花一枝映日紅路人共道登科好微臣所志
非溫飽

神州東南盡八閩歲星在野兆文明恭承

嘉命輶軒止手持玉尺量多士回首當年矮屋
中一般燈火一般風敢道凡夫有真鑑此心惟
恃鬼神監

瀟湘之水瀏兮清衡山九轉若送迎賢人俎豆
每千載屈賈餘風至今在清時巖澤多菁莪方
舟所至勤蒐羅後生幾輩錦標奪都道老夫有
衣鉢

澄懷園中風日清講帷深處聞書聲儒臣侍從
多清燕日日虛糜大官飯坐看花磚日影西從

容退直如雞栖 成王書畫 定王箭

天家絕藝眼親見

烽火連天蜀道難世無彭韓亦可歎健兒日夜
苦相斫書生一介終戎幕手草軍符十萬言功
成身退歸田園褒鄂功名滿麟閣路人共說從
軍樂

過王柵畦息齋壁間有福兒詩俯同其韻
幽人新築小眠齋水木清華且住佳負米久酬
將母志杜門欲挂避人牌但從書畫尋生計肯
使衣冠與俗儕齊物自生濠濮想觀魚常坐水

之涯

題畫

川巖奇秀數衡湘
石棧天梯蜀道長
看過寰中好山水
此時讀畫總尋常

丁丑元日

崢嶸急景暗中催
飲到屠蘇最後盃
積雪喜徵豐歲玉
鳴禽徐啁小園梅
僧厨早訂尋春約
客刺都緣問字來
猶有平生未除習
牆東新築讀書臺

和吳巢松編修題閒雲出岫圖詩即奉餞

北行仍邀黃紹武表弟同作

巖居是處白雲鄉仕宦真如傀儡場三徑未荒
陶令隱千金已散陸生裝故山林壑栖原好男
子桑蓬志亦常幼學壯行賢者事豈容安穩住
雲岡

蓬山清顯樂依於此去應多讀秘書慧業共知
羊斟子雄文不讓馬相如好遊手蠟登山屐惜
別心隨記里車江左風流王謝重烏衣子弟獨
推渠

擬從叨利問天親滿座飛花不著身上衣冠

驚代謝山中風月許常新營成瑞室先招隱

巢松

築室鳳巢有終焉之志今畫出香林已逼真

觀性

上人畫鳳巢圖以訂歸山之約萬里扶搖須變化浪游江海是

凡鱗

野人投老鬢雙皤汲古猶如指測河心役世間
知道晚身閑方外得朋多每從佛子修長樂偶
約風人稷永和定慧有香心領取奚煩苦行證
維那

元夕風雪對酒有作疊歲朝詩韻

銅壺銀箭漏聲催載酒人希自舉杯醺甕香浮

登碧嶰膽瓶水煖供黃梅不辭蹋雪觀燈去無
計披雲喚月來安得鄒生吹黍谷召回和氣滿
春臺

復翁以元夕詩見示依格和之

雪飛元旦又元宵

原句唱

積悶經旬藉酒消寒勒

堂花春窳寞靜聽巷柝夜迢迢吟箋迭和煩郵
致游履先期折簡要博塞意錢姑自遣不然佳
節太無聊

吳孝女詩

人生忠孝非一端要在各行心所安丈夫所志

在功業亦有箕穎潛虬蟠生而有家女子願安
得父母膝下常承歡古時乃有北宮之女嬰兒
子至老不嫁貞素完姓名芬芳鄰國重載之史
策長不刊當今亦有吳孝女其事可與北宮一
例看女大懷婚姻斯事出禮官所憂女嫁父母
單誰問父母飢與寒女心念此摧肺肝女身願
依父母老撒其環瑱供盤餐父母既沒女亦老
飯心淨土安蒲團此事非可訓此心人所難我
今書此表潛德載詠蝦蟇生長歎

黃紹武表弟得曾孫詩以賀之

憶昨者英集惟君最少年桐枝方濯濯瓜瓞又
繇繇熊夢先徵瑞鴻文卜象賢金貂人共祝衣
鉢我能傳譽著黃童後齡希絳老前今朝湯餅
會珥筆頌華筵

荔亭譜曲圖為瞿明府題

閑拈紅豆記新聲自古才人善賦情曾向平都
山下過路人常說長官清

功名無分到燕然收拾豪情付酒邊但有并華
堪汲霰人人解唱柳屯田

題宋味菴閉戶讀書圖

昔從乃祖遊

謂汝和先生

商略讀書趣仰闕聖賢心

推及當世務文孫善讀書青箱守章句弱年不好弄却埽常閉戶漢有董仲舒學通天人故三年不窺園對榮光王度古人去非遠後生好趨步揮豪散珠玉游心入竹素振奇集異聞索隱發妙悟專精在經術餘事及辭賦立盡程門雪養成謝庭樹學殖本無窮歡喜必堅固昂昂千里駒自有伯樂顧老馬忝識途妄思導先路

李嵩山運使臺灣運穀圖

隴西公子謫仙曹三十專城到二毛兩度汎舟

輸粟後不辭王事獨賢勞

萬里滄波萬斛舟
片帆飛渡海東頭
袖中一卷南溟志
準備歸來紀十洲

雞籠山色向人青
破浪乘風不暫停
士馬飽騰官吏喜
歸功但說海神靈

題顧亭林先生遺像卷

勝國留遺老先生
民念古歡著書閒
歲月入畫古衣冠
世偶逢憂患心常在
治安一生籌郡國
遺草尚叢殘

問訊公超市山阿
久矣寥心期千載
遠足跡九

州遙豹隱寧忘變鴻飛不可招
河汾門下士將相滿

興朝

興廢天心定行藏士節堅
管寧聊避地萇叔敢違天
軼史存先進楹書付後賢
一編日知錄絕筆蓋棺年

莽莽千墩野荒邱宿草中
鶴歸華表在蛟化夢魂通
有後仍貽穀無官亦教忠
他時兩楹下或與仲淹同

和答朱少仙廣文

盤中首著有奇香
衆裡吟詩亦擅場
繞竹共尋楊子宅
簪花爭和楚人章
風迴萍聚朋頭合
火盡薪傳士氣昌
莫道官閑歸計穩
羊裘容易覓嚴光

為周九廉訪題春帆圖

江漢滔滔日夜流
幾人天際識歸舟
長風萬里中回櫂
即是桃源古渡頭
一葉征帆迅羽翰
江山佳處耐人看
忽驚風浪高于屋
始覺中流自在難

游子懷鄉別有情
一篇招隱賦初成
五湖不少

閑風月儘可相羊過此生

自題杖鄉圖

野人心性愛林泉，暢好風光在眼前。
解組仍爲縫掖士，歸田又到杖鄉年。
生來腰腹書難副，老去須眉畫或傳。
幸得山中閑歲月，尋花問竹且隨緣。

題黃堯圃祭書圖

愛書成癖祭書虔，萬卷琳琅聚一廛。
自古卿環稱福地，即今津逮亦良緣。
端知翰墨通神鬼，別有馨香報聖賢。
鄴架曹倉同著錄，我言過眼總

雲烟

張雲藻司馬作餐菊之讌即席分韻得落

字

方舟赴海昌遠踐觀潮約江流亦已枯山雨時
復作樣舟在東門蠟屐過南郭升堂揖主人開
筵設肴酌盤餐薦魚生家醞傾桑落羹方玉糝
調膾比銀絲斫采菊擷其英嘉蔬襍薇藿香齋
咄嗟辦不復煩鼎鑊芳滿齒頰安用屠門嚼

過王氏廢園

藤梢棘刺滿巖阿我為尋芳喚奈何回想主人

全盛日一林穠艷得春多

蓮榭圖為芳生題

種就桐梧引鳳皇
壺中日月自舒長
一生常住蓮花榭
心地清涼發異香

穹窿道士李補樵六十壽言

君是元皇幾代孫
家傳道德五千言
垂簾讀得黃庭熟
鼎內金丹火自溫

古來善畫人多壽
况是喰芝餌术流
收拾烟霞充供養
世間何地不丹邱

心誠上人以石刻蓮池大師詩墨本見惠

卽次元韵

浮生碌碌幾曾閑
豹隱時時露一斑
償盡世間兒女債
終須回向到靈山
不愛榮觀只愛閑
空庭苔蘚綠成斑
竹君石丈招携便
肯為紅塵負碧山

楊貞女詩

忠孝事君父所恃一心堅
婦人事所天其道當亦然
匹夫不奪志况乃姬姜賢
賢哉宛邱媛伐閔闕西傳
妙齡稟至性婉孌及笄年
相攸擇嘉耦繡幕紅絲牽
太邱有令子才調真翩翩
謀言

既下達姓字苦華鏤六禮行未備二豎突忽纏
倉皇凶問至舉室涕泗漣女心誓相從匪石不
可遷生時不識面但願死同阡父母隨女志伉
儷幽明聯不解露紒惡遽易香纓妍舉案事如
生饋食同几筵嫁殤雖非禮有志當從權肅雍
事尊嫜子婦一身肩猶子撫為子冠昏禮弗愆
有子復無孫再絕乃再延春秋及古稀歸受一
生全易貴女子貞詩尊柏舟篇

皇家勵風俗采訪到市廛巾幗有完人

恩榮綸綍宣叢祠歆俎豆綽楔旌門前老夫職

博史貞孝載筆先作歌傳列女幽光發華箋

蘇公生日集尤春樊舍人齋中

蘇子風流百世傳主人歲歲為開筵吟詩共刻
金蓮燭載酒同浮藥玉缸自古奇才希遇主如
公慧業定生天坐中賓客經年少感及山陽一
黯然

去年今日有楊甫在座近日已歸道山矣

吳巢松編修屬題閒雲出岫圖

堂堂歲月可唐捐豈有卿雲久在山多少蒼生
方待澤早為霖雨布人間

大孝由來在顯揚世家治譜不尋常阿翁未盡

平生事揔是和羹作楫方

紅樹青山古畫圖此中只合住
潛夫祝君早了
昇平業松菊歸來尚未蕪

蘇公生辰春樊舍人既集同人賦詩令子

榕疇用蘇集禁體雪詩韵賦七言古詩
一篇走筆和之

世尊拈花對迦葉軒皇鍊丹作飛雪
儒者文章能壽世誰能一手兼三絕
古今獨推蘇長公丰裁不為魔民折
百世流風起頑懦三生靈氣無生滅
春樊舍人今好事歲歲詩篇恣揮掣
招携

素心三五輩擘箋五色繁于纈吹簫引出雛鳳
聲纚纚清辭霏玉屑老夫見獵心亦喜醉墨歆
斜任飄瞥主客同心與似蘭犧文曾聽元儒說
繼聲多為善歌來賞音不讓麤賓鐵

丁丑除夕口占

今年除夕是新春爆竹聲聲沸比隣娘子袖扶
兒描惹翠筍迎到紫姑神

竈君今夜自天回嘉果三盤酒一盃欲向尊前
祝如願老人無事上心來

燈前兒女尚癡憨嬉笑爭分一味甘莫信旁人

諛老健明朝六十又加三

為張少農題訪古圖

古人去我遠其迹在金石無奈金石文歲久多
黹蝕我生束髮來頗抱好古癖博采先廟堂窮
搜及巖穴謠辨石門碑關補岐陽碣上可證史
書下亦佐典籍之子有同嗜扁舟任所適山巔
與水澗蒐訪不餘力琳琅富舊藏縹緗表新獲
曷弗出所儲相與共由繹

讀史有感

宇宙真如傀儡場榮枯天定敢爭強人言九事

八為律友有五人三已忘功似蕭何方第一才
如李廣亦無雙誰將封禪留遺草故把淫辭導
漢皇

游陸氏園和陳琳簫女史詩韻四首

閑訪城南墅携筇叩華門隔牆看竹色穿徑破
苔痕戲水知魚樂迷花笑蛟魂偶尋舊題字烟
墨被塵昏

奇石當關立繁花滿路開詠春頻倚竹望遠獨
登臺纓取清流濯茶憑活火催天然邱壑好應
識幼與才

芳池自凝碧飛閣尚流丹小巷多停蓋幽人愛
考盤驚塵辭弱草清露泣香蘭忽聽山陽笛傷
心履跡殘

謂瑤圃主人

池館經年別尋芳又此行故巢仍乳燕喬木正
遷鶯美玉逢嘉耦空桑識寄生妙才因道韞感
舊不勝情

春日遣懷

一叢綠竹繞茅茨近市譁囂謝不知風弄禽聲
頻上下日移花影易參差且從物外尋閒寫莫
向尊前觸酒悲却愛香山老居士暮年心悟六

如詞

歲云暮矣瓶菊猶存盆梅亦放戲題兩絕
句以志其事

秋氣蕭條楚客嗟羅含宅有未殘花三時讓盡
羣芳艷留得孤標殿歲華

菊過秋深尚未殘梅知春至即衝寒秋花耐久
春花早冷淡家風一例著

訪吳玉松太守新居

桐橋小住木蘭槎為訪延陵太守家卷石自存
山氣象疎櫺不礙月光華綠楊漸老無飛絮紅

藥新移有怒芽莫訝晏嬰居近市達人心靜絕
塵譁

枕上口占

行臺聚櫟報三更一盞秋燈倚壁明却喜鄰童
多好學夢回猶聽讀書聲

獨學廬四稿

池上集二

古今體詩一百一首

東吳石韞玉著

戊寅七月送書院諸生秋試

清時三載一興賢
鵬鷄凌霄孰後先
竹素共修蛾子術
槐黃却在虎兒年
分棚畫燭文心苦
寸紙泥金吉語傳
誰受老夫舊水鉢
後堂絲竹待彭宣

題松江太守宋如林含飴弄孫圖

賦梅吟杏舊家聲
幼子童孫接武生
看取鳳毛

池上在諸郎總角並知名

蒼松白石映芳潭膝下同分一味甘想見保民
如赤子卅年遺愛滿東南

臣心如水況臣門此去朝天卜

主恩不願黃金滿簾積要畱清白付兒孫

顧節母詩

令人事事不如古惟有婦人節獨苦古時嫠婦
多二天柏舟之誓令人堅有節秋竹竿無波古
井水芳聲歷歷標彤史武陵賢母亦如是

餅中花

黃葵紅蓼滿山家更有芙蓉晚作花
聚向瞻瓶生意滿亂頭簾服總風華

劉金門以編修奉

召入都寄詩送之

三年邊塞聽雞竿一日除書到澗槃
天路再看鷲直上山人獨與菊偕寒
憂歡歷劫同年少出世分途後會難
遙想驂騑方戒道苦無尊酒餞江干

自題小影

鴈過寒水了無痕此義元微孰與論
修短縱殊同向盡畫中幻影轉長存

德清縣齋示福兒

近水依山斗大城古來政簡自刑清道州不諱
催科拙定國常思治獄平菊解耐霜超俗艷魚
逢止水即安生長官清濁行人識要聽輿臺道
路評

骨肉分離近四年今宵笑語聚燈筵共誇齒髮
猶如舊自覺聰明不及前三仕早忘文子貴一
生常羨鄴侯賢老年心厭官衙恩小住無勞數
擊鮮

九日登高同蓮孫韻

清遠吳興常夢想老夫今日始來游家臨綠水
扁舟使人與黃花晚節酬且喜庭闈饒樂事況
逢天地正清秋祖孫即景成吟什都付奚囊次
第收

題柳州太守徐寅我遺像

清英邁世徐孺子平生心迹清如水一麾出守
向南交蠻煙瘴雨忘賢勞黃蕉丹荔羅池側此
中遺愛人猶說生而正直歿則神柳州柳公有
替人

庭前種菊有一本而百二十花者移陳坐

右錫之以詩

秋風入林木，蛻葉秋花雖艷意蕭瑟。荒畦連膝
蒔菊秧繁枝密，葉迎霜出千株百株，縱復橫中
有一株特怒生繁英，四照不知數。亭亭修幹高
于人，花開更作好顏色。瓊瑤為胎中孕，碧回黃
轉綠，無定姿疑是媧皇煉餘石。世傳此花隱逸
倫，亦有文采相鮮。新化工造物不擇物，請舉一
盞酌花神。

池上偶成四絕句

潑刺游鱗近釣鉤，綠荷如蓋滿芳洲。朝來一陣

蕓纖雨萬顆明珠散不收

池邊老樹意婆娑一半青青一半枯却是少年
親手植樹猶如此況人乎

茅堂幽敞四時宜楊柳絲絲屋角垂靈鵲也知
心向上新巢移在最高枝

室外空餘地十尋琅玕手植已成林主人飽飯
渾無事閑卧西窓看綠陰

題韓尚書壽山丙舍圖

迢遞城西路山川勢鬱蟠草堂臨澗上華表出
雲端舊德傳家久高官誓墓難松楸心弗舍常

向畫面看

題梅妃像

驚鴻舞罷怨無終
獨對寒香永
卷中不與霓裳
爭勝負
自拈綵筆賦樓東

壽榕準潘一文

錦堂春酒汎樹芳
黃閣羣推老鳳皇
荆樹有花
娛晚歲
寶田無稅付諸郎
西園樹石龍眠李南
國衣冠馬糞王清福
自來林下好不須更問渭
濱璜

送韓桂舲尚書入都

總角交游兩少年幾番離合各華顛
解推願大先同井慈惠心度久格天
誓墓我將從逸少昌言人共拜庭堅
自今後會知難定相送臨歧一惘然

韓尚書攜示蔣香杜都門見懷詩依韻成
篇却寄

尚書將入都祖帳錯履寫手攜一紙書封題字
可識署名采雲新鈴印盤螭赤故人蔣元卿貽
我新詩格上言叙蘭臭下言述萍跡芳訊日邊
來也澗槃僻憶昔素心人三五互佳翊同遊

匠石門累射蘭成策方舟澄江行策蹇秣陵役
是時皆少年交似元與白酒邊激昂多燈下笑
言劇彈指四十年邈若幾塵隔吾曹住世間榮
枯天所職如公黼黻才應在義軒側文章抗先
民不假聲悅飾風氣未三變聲華日五色終期
鸞鶴振寧慮桑榆迫勿效鰥生顰中道乃自畫
靈虬乘雲雨所貴能破壁大材多晚成燭火燭
易熄嚴霜除衆莽松柏始秀特龍頭屬老成衆
裏推雄伯驥馴千里志鵬奮六月翮嗟予謝簪
組丹鉛守几席朋舊無幾人瞻望佳音急惟素

雖有心說項著無力徒聽悠悠論彌切惺惺惜
某言作報章遙附蜚鴻翼

己卯元旦

飲罷屠蘇策後卮略無他事且吟詩徵歌又到
宜春令序卦仍居未濟時特年六十四新歲吉祥靈
鵲報舊巢安穩拙鳩宜

朝廷方下除粗詔令德承宣望所司

沈炯感燈謎遺草

江左風華歲月新隱侯才調昔無倫度詞秦客
今多少都是壺盧郭舍人

文園遺草久韞藏，丁令何年化鶴還。惟有紅心
詞一卷，少畱膏韻在人間。
我愛吳興第五郎，幾番聞笛慟山陽。偶因一卷
春燈謎，又爲元方憶季方。

憶清春日作

三月風光作楔游，逢人都帶柳花鞦。龍舟水上
如梭捷，春社家家賽載侯。
山氓十室九栽桑，蠶月將來比戶忙。詞訟征徭
一齊歇，吏人無跡到公堂。

舟行書所見

野田風煖荳花香綠竹如林次第長恰好一犁
春雨足滿川新水送歸航

偶成

昔我少壯歲好麗蕪好書一片殷勤心日與兩
者俱後房擁姝麗畝史前榮儲不知日月邁但
覺樂有餘行年過六十齒危兩鬢疎橫陳味如
蠟粉黛等土苴颺風作房老紫玉歸幽壑柳蠻
開閣去惟薄常空靈營營故紙堆結習尚未除
丹鉛日在手英華自含咀兩好畱其一此生將
何如不化花間蝶終成老蠹魚

即事

新雷徐走阿香車一角殘陽屋外科
滿院綠陰人坐久暖風飛盡繡球花

詠綫穿牡丹

春到園林百卉榮文無花有怒芽生
不知身是當歸草常冒人間富貴名

尋梅招鶴畱為雪齋和尚題

春風第一到瑤華寂寞空山開士家
香色二塵都淨後更從何處問梅花

仙禽常近九臯飛丁令歸來萬事非
識得衆生

皆佛性世間何物不忘機

夏五過虎邱山塘吳玉松同年歸途入報恩寺訪雪齋上人

青山倒影印澄波兩岸花枝勝綺羅故事尚沿
荆楚俗幽人愛住考槃阿竹間清梵禪關近水
上新歌畫舫多同是聲塵相引震此中喧寂問
如何

寄謝都門故人

老去深知行路難向西欲笑意先闌想非想外
天難問才不才聞我獨安早識浮生如傀儡更

無塵夢到邯鄲聚糧三月談何易且對桑榆守
澗槃

讀王惕甫遺集書後

嗟予弱冠時有志在廊廟冠者六七人俛仰稱
同調就中作者誰最賢城東王郎方少年眼中
落落無餘子所業常在班揚前班揚去人亦已
遠世俗嗜好酸鹹反遨遊京國十年多驂騑終
為鹽車蹇彈鋏歸故鄉盤中首藉香一官殊落
拓所喜近文章文章一代推能手少作繁華老
則否積書萬卷傳者誰舒棋最少知能守嗚呼

男兒生不功名若房魏天上修文亦無謂太元
之文覆醬甌路人但說金張貴

周筮梅花美人圖

一枝芳樹小窓西周昉丹青費品題翠袖忍寒
倚修竹金釵防墮露柔荑騷人不忘羅浮夢霞
士常耽法喜妻却憶吾山香雪裡詠花有侶手
曾携

長江萬里圖為穹窿道士李補樵作

昔我苦行役足迹徧九州仕宦入西蜀遂作萬
里遊放舟金焦麓直到錦江頭江行任風信遑

問置與郵僂仰一葦間十旬猶弗休江山多奇
勝止憑詩卷收平生昧六法佳景不可留道人
作此卷與我機殼授此卷出想像非曰耳目謀
却因丹青妙一一臚清幽嗟予今老矣跬步苦
阻修雖抱游岳志此生不可酬譬諸華嚴畧只
向虛空求掩畧三太息寄情託長謳

海鹽朱虹舫庶子以攜李十枚見餉詩以
謝之

朱橘黃柑珍味羅東南嘉菓此如何無端印得
西施爪不覺金錢市上多

淨相精藍故迹存紫雲山上近分根何當補入
鹽官志好把駕湖舊曲翻

嘉樹由來是地靈天邊玉李亦名星何如嘉慶
觀中座聽取與人頌

帝齡李之佳者有一種名嘉慶子
元後市人易其名曰萬年紅此亦他年一
故事云

尤西堂有家在江南楊柳村之句梅耦長
為之圖一時和者十二人偶書成長卷
追和二絕於尾并邀春樊舍人同作

家住江南楊柳村一花一石聚閑軒詩人類有

山林癖開府曾經賦小園

家住江南楊柳村幽尋差可慰吟魂
城東訪得烏衣第燕子春來尚入門

題餅菊圖寄王梅鄰明府

一片秋心有所思新霜初到菊花枝
官齋應下陳蕃榻想見持螯對酒時

秋夜獨坐花間草堂

久晴逢快雨夜坐愛新涼
頗覺草堂靜漸聽蓮漏長
因風知竹勁惜月被雲妨
萬物安時運榮枯意兩忘

園菊初開

蒔菊連畦百種分
誰云陶後愛無聞
每愁老圃英華少
却仗奚奴灌溉勤
九日風光添逸興
一年花事惜餘芬
秋陽夏雨關心甚
此日拚整當策勛

芙蓉

秋深花事已闌珊
一朶瓊華向晚殷
老子風情猶不淺
夢騎胡蝶戲花間

對月口號

牆東新築眺蟾臺
為惜浮生秉燭來
贏得今年

清福好坐看滿月十三回

習靜

風吹木葉滿林皋
習靜寧嫌境寂寥
蓮漏如年寒側側
月華似晝夜迢迢
瓶花列案香飄忽
籠鳥依窓影動搖
識得此中佳趣在
方知人世太喧囂

種菊畝

溪山佳處絕塵氛
流水三分竹二分
時有素心人過訪
芒屨蹋破嶺頭雲

連畦種菊費精神
滿地繁英摘得新
常向花中

稱隱逸却疑陶令是前身

送董琴酒編修入都

士生宇宙間豈能無友生故交既零落來者難
其人指哉廣川彥當世推雋英讀書聚百家考
信在六經策名金閨下令譽揚大廷韞匱玉非
計出山泉亦清

皇家重黼黻枚馬文章榮而我別有謂所願異
俗情卿雲在天上焜燿等日星何如作霖雨沾
溉及蒼生願公經世業發軔在茲行

雪中送炭岳

萬頃堆瓊世界寬有人埽徑問袁安
靈臺削牘方陳瑞官閣圍爐自辟寒
當境炎涼應盡歷此身曲直太無端
一堆牛糞山中火儘有神仙伴嬾殘

觀放紙鳶

遙遙一綫掌中牽幾度扶搖到日邊
知道吹噓風有力纔看墮地即升天

歲暮書懷

南軒三面受斜曛一叟頽然遠俗氛
客至正逢新酒熟詩成自取妙香熏
老知名相為人累靜

厭聲塵恩我聞安得年年逢閏歲光陰尤惜是
餘分

家無擔石不憂貧尚有琴書伴此身蕉下鹿為
同夢侶水邊梅似獨清人曾從天祿窺中秘耻
與長楊作後塵却羨太平閑草木空山長養倍
精神

冬爐夏簟苦相催鼎鼎年光去不回竹勁不甘
遭雪壓鴻飛常若附天來風中爆竹昇騰速日
下唐花次第開造化弄人繞一霎不如對景且
銜盃

飽食猶思博奕賢
儒家經史即為田
衰年筋力難成禮
儉歲鷄豚不給鮮
蘭孕素心非衆伍
柳含綠意得春先
時人但覺芳菲好
榮長還憑造物權

和歸佩珊女史歲暮襍詠八絕句

臘八粥

不須美酒宴嘉平
活火甘泉粥味清
野菜山蔬任淩襍
齋鹽淡泊稱書生

春餅

韭芽寸斷膾成絲
翠釜煎來汶餅師
留與吳均

深夜說補天妙技有誰知

年糕

楚國餽餽舊制傳親鄰饋問慶迎年詩人今敢
題糕字只為周官有鄭箋

歡喜團

桃花米熟蔗霜寒纖手擣成大小丸老我欲登
歡喜地尚嫌骨肉未團藥

祀竈

神道聰明正直先王孫能媚亦徒然不辭煬者
來爭席歲暮山厨未擊鮮

掃室

一室塵埃淨掃除幽居霰霰是精廬不須大厦
連雲起但取明窓好著書

爆竹

星星微火忽相催一片喧騰似疾雷賺得路人
驚走避不知俄頃即成灰

跳竈王

索室驅邪仗鬼雄大儺元是古人風老夫心已
安禪久耻效昌黎送五窮

尤春樊舍人作東坡生日之會賦呈四絕

句

歲歲消寒及此辰主人置酒宴嘉賓後來居上
從來說滿壁詩多似積薪

聰明正直定為神誰道生天尚隔塵不論江山
與風月由來清福屬閑人

何妨磨蝎值生辰修到金剛不壞身肯效楚人
多怨悵故將初度哭庚寅

一尊酒似洞庭春香火緣多未了因有客蠟梅
花下坐相看都是素心人

庚辰元旦

五齡就塾憶前塵烏兔飛騰六十春豈有文章
能報國幸無聲利入迷津對時且舉中山酒望
古思扶大雅輪遙想兩河諸郡縣誰為保障救
烝人

去歲黃河南
北兩岸皆決

寄吾與菴主心誠上人

靈山諸佛子慶喜最超羣門對千峰兩家藏一
塢雲定回燈獨照詩就鶴先聞試問梅邊信春
光到幾分

黃復翁見示與潘榕準舍人暨歸珮珊女
史疊韻唱酬之作見獵心喜戲和其韻

當代詩鳴者開宗萬法歸琴心三疊曲錦字九
張機興假尋芳遣辭因食古肥波瀾推不竭妙
理總淵微

聞復翁入山探梅再疊前韻奉簡

聞道探梅去春風定詠歸野人或爭席山鳥亦
忘機詩奪金荃艷禪叅玉版肥勝遊吾不與筋
力歎衰微

珮珊見和東坡生日之作三疊前韻奉酬

寶蘇成故事

昔翁覃溪先生每歲有東坡生日之宴因名其齋曰寶蘇餐勝

信如歸天與生花筆人傳織錦機貧隨榮叟隱

詩較浪仙肥聊效三松老賡歌疊五微

春游四疊前韻

春光如旅客久別慶新歸風轉天生籟雷鳴地
發機水鄉鮭菜賤糞土葯苗肥擬赴山僧約携
筇入翠微

飲周春樸廉使齋中五疊前韻

城南池館好客到坐忘歸看竹逢佳士觀魚悟
化機香聞梅樹近味愛菜根肥細讀郊居賦群
公並識微

奉簡三松老人六疊前韻

大雅尊明哲羣言識所歸青箱承舊業白雪引
新機韜史搜同異蘭亭辨瘦肥放翁勤老學深
造得精微

珮珊和前詩見投多獎飾之語依韻報之
七疊八疊前韻

善作梁鴻婦此生得所歸食貧甘撤瑱勸學故
停機慧業徵心妙儒餐厭齒肥舊家玉謝盛世
緒歎中微

舉世談風雅誰能識指歸激昂揚士氣清妙毫
天機菜豈容求益瓜應笑市肥即今班大家詩

學獨通微

珮珊之婿李生學璜與婦各以詩篇見贈

再答計十二疊前韻

九峰三泖地有客歎無歸求友思張翰論文就
陸機海魚同菜賤鹽豉助莼肥經史如田好休
嫌祿入微

劉綱夫婦好白首慶同歸道在貧而樂心藏善
者機枯腸儘搜索傲骨異癡肥坦坦幽人吉奚
煩避險微

之子衣冠族分宗太僕歸故家承舊德妙語出

新機書合簪花格心嫌食肉肥風流希管趙文雅總探微

青蓮才冠代文定慶于歸載詠班姬扇言尋孟母機殘年悲老病中饋謝甘肥稍喜同心賦齊眉慰式微

再和珮珊十四疊前韻

儒雅閨中秀當時衆論歸宛然金在冶應有石支機心蘊天生巧身緣道勝肥却憐臯廡下此日賞音微

詞源真不竭學海定知歸獨抱凌雲氣常爭擊

電機草看書帶長筆埽墨豬肥遙指銀河畔明
星近少微

和尤春樊舍人詠雪之作十五疊前韻

積雪滿天地空山春未歸尋梅抒逸興詠絮著
靈機土潤催花信年豐慶國肥不知羔酒客何
以慰寒微

寄題移石山居即為師竹道人壽十六疊

前韻

花竹山房靜嘉賓至若歸經從河上注心息漢
陰機老樹當關立靈芝入饌肥仰看天尺五此

境即清微

乘舟出閩門十七疊前韻

煙火千家社春隨燕子歸市喧傀儡戲農轉桔
槔機俗擅三江利風吹百卉肥流連回櫂晚天
外夕陽微

題李小雲刺史粵東詩草十八疊前韻

勞勞車馬客晚歲遂初歸惠政畱棠蔭雄文近
鏡機老能甘石隱清不願家肥風物南方異微
名及細微

題周勗齋司馬樸園集十九疊前韻

我識樸園叟西川萬里歸種花畱德政觀夾悟
戎機綠節驚雷茁黃梅著雨肥山中行樂便不
覺壯心微

喜沈星槎學博歸自揚州二十疊前韻

稻蟹吾鄉好征夫胡不歸林花生喜色巢燕避
危機宴坐能遺俗徐行當策肥舊交三五輩人
遠歎風微

崑山過王樹畦山居二十一疊前韻

主人方謝客而我至如歸散木常多壽勞薪早
息機遙山青未了平野綠初肥不難階前草無

嫵手力微

半蘭園題壁二十二疊前韻

少歲登臨地重來意若歸林泉如有約魚鳥總
無機老樹凌霄迴新苔點石肥當年題壁處塵
漬墨痕微

斗壇訪却凡上人二十三疊前韻

春光驚一瞬僧寶證三歸詩紀曾遊跡禪叅向
上機樹依金秋老花比玉環肥夙入黃梅室寧
憂道力微

却凡曾飯依
澄谷風公

題寄上人松下閉關圖二十四疊前韻

早悟三乘法能令四衆歸經傳龍樹諦禪契石
霜機燭大千燈現喬松五粒肥此心非內外鞭
逼湊單微

和答三松老人二十六疊前韻

名山壇席在風雅後生歸壽世靈光壁藏身杜
德機著書松樹老飲水玉池肥歲歲朝元日心
香告紫微

昔是金閨彥中年解組歸清華推地望元妙露
天機筆夢爭花艷山肴勝肉肥溫公曾獨樂此
理介危微

暮春邀潘理齋負外尤春樊舍人同餞朱

虹舫庶子入都春樊即席成詩因和其

韻

偶然開徑招三益多感延之贈我詩別路正逢
飄柳絮酒籌聊共折花枝宗生破浪應無敵平
子歸田亦可師恰遇暮春好天氣舞雩風詠使
人思

天風海濤圖為朱南臺司馬題

仕宦有如海利濟良亦難涉波仗忠信先哲有
成言公抱舟楫才撫字心力殫司勲書上考與

頌垂不刊賤子本州民攀轅追古歡甘棠有餘
蔭時復及澗槃方今分郡符書名
御屏端乘風從此去萬里常平安